

雷波廳志卷之六

水利志

活潑靈泉有源不竭資我稻田通流溝洫汨汨而來
旱不爲災龍鱗接壤魚眾多財邊地膏腴墾之宜急
欲謀富强試師鄭白志水利第六

城南大壩田數千畝初猶土也雍正時始開爲田前
衛守備胡漪於北門外修築堤堰引龍洞泉水下流
至北門分爲兩道一經城內流出一傍西南城繞流
大壩城內外居民既資飲汲而大壩卽用以灌田雖

雷波廳志

卷之六

水利

一

旱不甚爲災至今民享其利

那里溝田前後千餘畝其水由山王廟堰引導而入
前後溝分資灌溉

牛吃水田數千畝因山爲田水自後山流下分溝引
灌無堰

白鐵壩田數百畝水由鍋羅壩溝下流而入以資灌
溉無堰

左家山田九百餘畝卽因山水疏爲溝洫分灌諸田
無堰

李子坪田數百畝引後山泉水下流分資灌溉亦無堰

高崖坡田五六百畝崖下泉水分流引資灌溉亦無堰

額窄溝田二百餘畝水由黃螂山頂引入分資灌溉天姑密田千餘畝儘場後一堰未足分資歷年多有荒歉倘能引導山泉修堰蓄水一大利也